

Yungzsuij:

Soengq Cibeujnyapnyaj Bangcoh Lajmbanj Gensez

融水: 发放垃圾清运车 助力乡村建设

10 nyied 20 hauh, Yungzsuij Myauzcuz Swciyen gawjhengz yizsi, soengq cibeujnyapnyaj daengj buek vanzvei sezbei he hawj yanghcin、cunhmbanj, vih cienzmienh gyavaiq doihaeuj lajmbanj Yungzsuij nyapnyaj cienhangh cawqleix caeuq haeujlaeg doihaeuj lajmbanj gensez “Yungzsuij gyaunde” dem cien gya vax.

Daj bi 2006 ndwen 6 Yungzsuij haiguh hong lajmbanj nyapnyaj cienhangh cawqleix gvaqdaeuq, Yungzsuij yanghcin caeuq gaep ndaw cunh nyapnyaj cawqleix cungsim gensez mboujduenh gyavaiq, nyapnyaj cawqleix sezsih mboujduenh dem ndei, nyapnyaj cawqleix gisuz mboujduenh daezsang, daengx yienh yiengh vanzging veiswngh ndaej daengz cienzmiemh gaijndei.

(Liengz Lizmingz/梁立明)



▲ Lingjdauj fat yaekseiz cibeujnyapnyaj hawj yanghcin.



▲ Yienhciengz guh yizsi soengq ci.



▲ Faenfat fuzhozfeiz yienhciengz.

Ningzmingz Nungzyez Bumwnz Fat Fuzhozfeiz Hawj Hohgungzhoj Mbouj Aeu Cienz Ndaej Haenh

宁明农业部门为贫困户免费发放复合肥受点赞

10 nyied 20 hauh, Ningzmingz Yen Mingzyangh Cin Anhmaj Cunh hohgungzhoj gendangj laebgaj haenx angqfwngfwng dwk lingx ndaej fuzhozfeiz.

Danggoenz, Ningzmingz Yen Nungzyez Giz gvaqdiemj banggunz youq Mingzyangh Cin Anhmaj Cunh cingcinj banggunz haenx, cawx le 60 dun liuzsonhniu fuzhoz feizliu, haeuj daengz Anhmaj Cunh guh cingcinj banggunz veinungz hengzdoengh, fat hawj daengx mbanj moix boux hohgungzhoj gendangj laebgaj haenx mbouj aeu cienz, mienhcw dabdaengz 100% , ndaej daengz hohgungzhoj haenh.

(Couh Yizgangh Vangz Cang/周贻刚 黄畅)

Denzyangz: “Song Vah” Gvangjbo Cienzsoengq Cibgouj Daih Cingsaenz

田阳: “双语”广播传送十九大精神

Geij ngoenz neix daeuq, Denzyangz Yen Bahbez Yangh “song vah” gvangjbo can boux yivu bohynhyenz Suh Vwnz-fungh yungh Vahcuengh caeuq Vahgun doeg boq sinhvwnz, dawz dangj Cibgouj Daih cingsaenz gibseiz soengq daengz gya' gya hohhoh.

(Luz Gez/陆杰)

► Suh Vwnzfungh yungh Vahcuengh Vahgun cienzsoengq dangj Cibgouj Daih cingsaenz.



“Doxdax Gvaengx Guengjsae” Vunzlai Da Gvagyinx

“环广西赛”让群众大饱眼福



▲ Gyoengq senjsouj ging-gvaq Luzcai Yen.

10 nyied 23 hauh, vunzlai cajmuengh 2017 gvaengx Guengjsae goengloh danci seiqgyaiq cetcunz doxdax loh gvaq Luzcai Yen, 20 fanh vunzlai dangdieg miz fukheiq ndaej yawj mbat gaeuq ndeu, ngonzyawj le gij funghcaij gwihci seiqgyaiq baizmingz gaxgonq 20 mingz 18 aen doih 126 boux senjsouj.

Ciuq cam rox, mbat doxdax neix ginggvaq Luzcai Yen diuz loh doxdax raez baenz 65.9 goengleix, gij funghgvangh gyaunde henz loh aen yienh neix ndaej sawj gyoengq senjsouj gemjnoix caij ci baegnaic, doxdax ndaej ok cingczik ndei.

(Lai Genveih/赖建辉)